



ზოგიერთი უმაღლესდამთავრებული ახალგაზრდა არ მუშაობს
თავისი სპეციალობის მიხედვით.

— შეხედე ჩვენს ოფიციატს, როგორი ოსტატობით მიაქრო-
ლებს ბოთლებს!

— რა გიკვირს, კაცმა ფიზკულტურის ინსტიტუტი დაამთავრა და
სირბილი გაუჭირდება?!

ნ. ჯ. ლაშვილი

№ 15 თბილისი აგვისტო 1964

ნათელი

გამოცემის 42-ე წელი. ფასი 20 კპპ.

ქართველ კაცს ღვინო რომ უყვარდეს, ამა რა გასაკვირია. უყვარს, ბატონო, ყველას უყვარს, მით უმეტეს, კახური და ამიტომაც მღერიათ:

„ღვინოვ კახური, ვარ შენი მსმელი, გინდ თეთრი იყო, გინდა წითელი“.

ამ მხრივ გამონაკლისი არც თბილისელი შალვა რაჟდენის ძე სულიკაშვილი იყო და არც მისი ამფონები.

ხდება ხოლმე და, არცთუ ისე იშვიათად, უსიამოვნო და სამარცხვინო, ერთის სიტყვით, ბნელი წარსულის მქონე ადამიანი საზოგადოებისათვის სასარგებლო გზას დაადგება და ამით ერთდროულადვე უსვამს ხაზს იმ ჭეშმარიტებას, რომ ადამიანი ბოროტმკმედელ არასოდეს არ იბადება, რომ ეს საზოგადოება და არასაზოგადოებო თვისება მემკვიდრეობითი სულაც არ არის და, მაშასადამე, მისი თავიდან მოშორება უთუოდ შესაძლებელია.

მაგრამ თავიდან რომ მოიშორო რაიმე, თავია საჭირო, რადგანაც ყველგან და ყოველთვის, ყველფრის თავი და თავი თავია.

შალვა სულიკაშვილის საზოგადოებრივი ჭიჭიბის დატაცებისათვის 1950 წელს ოცი წელი რომ მიუსაჯეს, 1960 წელს ისევ იხილა მზის სინათლე, მაგრამ ნათელი საქმეებისაკენ გულმა არ გაუწია, ბნელთა და წყვედიდით მოსული არჩია და მიჰყვა კიდეც.

შემოიკრიბა გარშემო ძმანი თვისნი, და დაიწყო თათბირი.

— რა უნდა გაგანდეს, რომ ყველაფერი გაგანდეს, რაც მიღებული და უზრუნველი ცხოვრებისათვისაა საჭირო და აუცილებელი? — დაისვა კითხვა.

— შნო და მარიფათი.

— გერგილიანობა და ყაირათი.

— ერთმანეთის გატანა...

— ... და ღვინის გატანა (ცხადია, საქართველოს საზღვრებიდან).

— და სიფრთხილე, რამეთუ არ ძინავს სატანას.

— გავიტანოთ ერთმანეთი და გავიტანოთ ღვინო, ხელი ხელსა ბანს...

— ორივე კი პირს.

— ვინ იყოს პირი?

— პირი ცნობილი პირია — ეს მე ვარ შალვა სულიკაშვილი.

— შენს პირს შაქარი.

— შენს პირს კახური.

— შენს პირს შაქრიანი კახური.

— პირობა?

— პირობა — აი პირობა.

გულმა გული იცნო და ღონემ ღონე, დაიღო პირობა და მოჰყვა პირობა. და დაიწყო საქმე, რომელიც რამდენიმე რესპუბლიკას გადაწვდა. შალვამ, ბევრი იარა, თუ ცოტა იარა, ვორთქვის ოლქის ქალაქ კალაშში მოიკალათა და ღვინის დამამზადებლად გაიფორმა თავი.

ასე გაჩნდა საქმის თავი.

ბოლოზე ბოლოს გვეჩვენა ლაპარაკი.

ითავა თავი და გურჯაანისა და სიღნაღის რაიონები დამხმარე მეურნეობად იქცია.

სულიკაშვილმა აიყვანა თავისი „კადრები“, კადრები, რომლებიც ყველაფერს კადრულობდნენ: ველისციხელი სურენ სომხიშვილი, ვანო კვირიჩაშვილი, სერგო გაგაშვილი და სხვები. აიყვანა და დაავალა, დაავალა და მოთხოვა მტკიცედ დაეცვათ მისი მითითება, შეექმნათ საკუთარი ღვინის გაყიდვის მსურველთა ავტორიტეტული ბირთვი და მასზე დაყრდნობით, მოეზიდათ იმდენი ღვინო, „ზღვათა-მცა შესდის და გაედინებოს“ რომ ამბობენ. ხსენებულ ბირთვში პასუხისმგებელი პირები შევიდნენ: გურასიმე გელაშვილი, ვლადიმერ ალექსიშვილი, ნიკოლოზ აბერაშვილი, ვახტანგ როსტომიშვილი, ბაჩო თვანოვი, ანდრო ბეჟანიშვილი, გიორგი ჯანჯიბუხაშვილი, მათ ყოველგვარი დაფიქრების გარეშე საკუთარი ღვინო ზემოთ ხსენებულ საქმისნებს მი-



ჰყიდეს ლიტრი 83 კაპიკად, ნაღდი საფასური აიღეს და მოსასლეობას მაგალითი მისცეს: — ხომ ხედავთ, ხალხნო, როგორი ხალხია, ჩვენც კი ვენდობით და თქვენ რატომ არ უნდა ენდოთ! ღვინო გაისადაც ბლომად დაგიდგებათ, დასაღვედაც ნუ დაიტოვებთ, მიყიდეთ, და ფულით ჯიბეები გამოიტყუეთ.

მოზღვავენ ღვინო მსურველები და მოზღვადა ღვინო.

ღვინო აზერბაიჯანში გაჰქონდათ მეპატრონეებს, იქ კახაბის კოოპერაციის სექციის მეშვეობით (სხვათა შორის, ჟაჟახში შალვა სულიკაშვილის „ნაცვლის“ თანამდებობაზე ღვინის საქმეში ყოველგვარი სპეციალური განათლების გარეშე განათლებული სამსონ შიუკაშვილი მსახურობდა (სადგურ ადსტა-ფაში ჩაჰქონდათ ღვინო. შიუკაშვილი აწონიდა, სიმაგრეს გაუზომავდა, მერე სხვები და სხვები „ქვი-თრებს“ გამოუწერდნენ პატრონებს, თუ თერთმეტ-ნახევარ გრადუსზე ნაკლები სიმაგრე ექნებოდა ღვინოს, ყოველ ტონაში სამას-ოთხას ლიტრს დააკლებდნენ და დაპირებით გაისტუმრებდნენ, გაეასაღებთ და 83-83 კაპიკს გაეისწორებოთ. ისე კი, სხვათა შორის, „ყოველ შემთხვევისათვის“, ყოველ ლიტრში

130 კაპიკის კვალობაზე ჩაბარებას ადარტურბინსდნენ გლეხებს თავიანთი ბატიფეხური ფაქსიმილთი. და, მაშასადამე, ყოველ ლიტრში 47 კაპიკს უშრომლად, თავის შეუწუხებლად და უღრტვინველად, ყოველგვარი სინდისის ქვეყნის გარეშე, ასე ვთქვათ, „იპან-ნიერად“ იჯიბავდნენ.

ამას არ ჯერდებოდნენ, ჭამაში მოსულ მაღას იმით იკმაყოფილებდნენ, რომ კალაშა, იქვესკა და კიროვში ჩატანილ ასეულ ტონობით ღვინოებს ბოთლებში ასხამდნენ, და ყიდდნენ ქართული სამარჯო ღვინოების ფასად ადგილზევე დამეჭდილი იარღიყებით დამშვენებულს.

ზოგჯერ ჩია კაცს ტარიელი ჰქვია, მაგრამ მის სახელს, ასე თუ ისე, დედამისის კეთილი სურვილები მაინც ამართლებს, მაგრამ ღვინის სახელწოდება ღვინის ჭეშმარიტ თვისებებს უნდა შეეფარდებოდეს.

შალვა სულიკაშვილისა და მისი ამფონებისათვის ეს ჭეშმარიტება არავითარ აუცილებლობასთან არ იყო დაკავშირებული. სულიკაშვილის ერთ-ერთმა კალაჩელმა მარჯვენა ხელმა ასეთი საღიერტოვო ბარათი გამოუგზავნა ერთდროულად სულიკაშვილისავე მარჯვენა ხელს საქართველოში: „ასლავე მონახეთ პრესკურანტი და — თქვენი ღვინის სახელწოდება უნდა იყოს სახელწოდებით ისეთი, რომლის ღირებულება უნდა იყოს ჩვენს ფასს ზევით, ე. ი. და-არკვით თქვენ ღვინის, პრესკურანტის მისდევით, 1,65 კაპიკის მეტზე ღირებული, რაც უნდა იყოს, რადგან მე მას ისე მივიღებ, როგორც თქვენ და-არქმევთ“ (ასრც მათია, სტილიც მათია — ხოლო პუნქტუაცია ჩვენია). ე. ი. დაარქვით რაც გინდათ, თქვენ იყავით მისი ნათელია და გასაღება ჩვენზე იყოსო. ამგვარად ერთი და იგივე ღვინო იყიდებოდა როგორც „ახაშენი“, „გურჯაანი № 3“, „ახმე-ტურა“, და ეს მაშინ, როცა იგი არც ერთი იყო, არც მეორე და არც მესამე — თუმცა, სამართლიანი იქნებოდა მისთვის, ნათლიების პატივსაცემად, „ნათლული“ დაგვერქვია, მაგრამ, რას იზამთ, ზოგჯერ ჩია კაცსაც ტარიელი ჰქვია!

ასე იფურჩქნებოდა მათი საქმე, იჩენდნენ შნოს და ჩარიფათს, გერგილიანობასა და ყაირათს, ჰქონდათ სახელიც, ჰქონდათ სახრავიც, ახარებდნენ თა-ვიანთ ჭიას, მისდევდა ჭამი ჟამს, მაგრამ ბოლოს საქ. სსრ მილიციის სამმართველოს მუშაკების ბ. ბონდარენკოს, შ. მხეიძის, ლ. ცინცაძის და სხვათა ფხიზელმა თვალებმა იხილეს საქმეში მათი საგმი-რონი და მერე მათ მიერ გაბმული საიდუმლო ქსელი გაწყდა სადაც წვრილი იყო და დაითრია ყველა საქმის დიდი და პატარა მონაწილე შალვა სულიკაშვილის მეთაურობით, ჩავარდა თავი და თავი და ჩავარდა ყველა.

ჩამომხრჩვალის სახლში თოკს აღარ ასხენებენ და ჩავარდნილების ოჯახებში „ღვინოვ კახურს“ აღარ მღერიათ, რამეთუ კახური ღვინო თოკია მათთვის.

ბარათობა



კინოზილის დამონსკრიბაა ზოგიათ სოუპევი

— რა გაყვირებთ, ხალხნო, დანარჩენს მე მოგიყვებით!



— ვენაცვალე ჩემს ბიჭიკოს, ჩანგლით ჭამა ვერ ვასწავლე, თორემ დანას შესანიშნავად ხმარობს.

რიგით ოცდამეექვსე

სოფელ გლდანში, მაისურაძეების უბანში შეხვალთ თუ არა, თქვენს ყურადღებას იპყრობს ორსართულიანი ოღა-სახლის ხალხით სავსე ოთახი.

ვის არ ნახავთ აქ!

თბილისელ მოქალაქეს, თუ თიანეთელ მანდილოვსანს! ოქროყანელ მეყვავილეს, თუ მთებიდან ჩამოსულ მეცხვარეს! სტუდენტ ქალიშვილს, თუ შინაბერა მოსამსახურეს! ყველას იმათ, ვინც „დაკარგული ბედნიერების“ მოლოდინით ცოცხლობს!

ვინ არიან ისინი?

ქმრისაგან ხელაღებული, „შეყვარებულისაგან“ მოტყუებული, „სატრფოსაგან“ შეცდენილი, სამსახურში ხელმოცარულნი, და ცხოვრებაში სწორ გზას აცდენილნი! დგანან და ელოდებიან ლანდების დიდოსტატის ადამიანის იღუმალ ზრახვათა მესაიდუმლოს, „მაშო მრჩეველის“ „სწორუბოვარ“ რჩევას. მაშოც მსახიობის დიდი ოსტატობით იწყებს მარჩიელობის ცერემონიას.

თბრობას „მელოდრამით“ იწყებს, თანდათანობით „ტრაგედიაში“ გადადის და ფინალი „კომიკურია“ — სიმღერით ამთავრებს: „მირბის სიცოცხლე, მისდევს სიკვდილი...“

„კაბინეტიდან“ გამოდის რწმენით „დამუხტული“ ადამიანები, ზოგნი სიხარულით, ზოგნი სინანულით.

20 ივლისს, ორშაბათ დილით, მეც შევალე „იღუმალეზათა ტაძრის“ კარები. რიგით ოცდამეექვსე ვიყავი, მაგრამ სამოცდაათ წელს მიახლოებულ მისანს დაღლილობა არ ემჩნეოდა. შესვლისთანავე პირველი გადამაწერია სამგზის. მერე ქრისტეს ჯვარი პირთან მომიტანა და მე მყისვე კბილის ტკივილი მოვიმიზეზე. ამჯერად ავიცილნე ქრისტეს ამბორი: წყვილი სანთელი ავანთე და ძელზე გაკრულ იესოს ხელებზე მივაბარე! იწყება კითხვა-პასუხის „სალამო“:

- ვაჟიშვილი გყავს?
- ოცდახუთი წლის! — ვიცრუე ხატის წინ.
- ჭკუაზეა შეშლილი?
- ვინა, მე?!
- არა, თქვენი ვაჟი!

— ეშველება რამე? — „ჯაღოქარი“ დუმს ციმციმებენ „ბედის სანთლები“ — იმედს იძლევა მარჩიელი! ბეუტავენ სანთლები — ბორგავს მისანი, იღვენთებიან სანთლები — მღერის მკითხავი! ემოციურობისათვის მუსიკასა და პოეზიას იყენებს:

„ხატში წაიყვანა საკლავი,
შენს შვილს ასცდება საფლავი.
ცხვარს როცა ტყავი გასძვრება,
ოჯახსაც გლოვა ასცდება!
სულ მალე შენი ვაჟიკი
ალარ გაივლის ბარბაცით.
მერე ვიხაროთ, ვიხაროთ.
სულ კეთილ კვალზე ვიაროთ!“

ამ სიმღერის მუსიკა ხალხურია, ხოლო ტექსტი თვითონ მაშოს უნდა ეკუთვნოდეს, რადგან ამ „შედეგის“ მსგავსი რამ, არც კლასიკურ და არც ხალხურ პოეზიაში არ მოიძებნება! 35 წუთი ვიჯექი სანთლებით გაჩირალდებულ ხატების წინ და, როგორც იქნა, მივიღე სამკურნალო რჩევა ჩემი (არარსებელი) სულით ავადმყოფი ვაჟისათვის! ეს „რეცეპტი“ იმდენად ვულგარული და უხამსი იყო, რომ მისი ქალაქზე კადატანა და გამომქდავება მეტისმეტად უხერხული გამოდგა. როგორც ყველამ, მეც დავდვეი ლარჩაზე ერთი ცალი სამანეთიანი და უბრად დავტოვე სიცრუისა და ლანდების იგავ-მიუწვდომელი საუფლო!

ს. უზიზაური

P. S. ეს წერილი ნიანგის კორესპონდენტს ეკუთვნის, რომელიც თვით იყო 20 ივლისს მაშო მკითხავთან და რიგით ოცდამეექვსეამ მიიღო მისი ლოცვა-კურთხევა.

მაშო მაისურაძის მაღალი ოსტატობისა და მისი ეჭვმიუტანელი მკითხავის საუკეთესო დადასტურებად უნდა ჩაითვალოს ის, რომ მაშო დეიდა ამ წერილის დაბეჭდვის შემდეგ გაიგებს მხოლოდ ჩვენი კორესპონდენტის ვიზიტის ამბავს.

იქნებ, ვისაც ეს ეხება, მიაკითხოთ მკითხავ მაშოს, რომ რიგის დაცვაში მაინც უშველონ ხანდაზმულ მისანს!



საპაროგო ბარათის შევსებისას

— რა გაწუხებთ?
— მხოლოდ სიყვარული, ექიმო... გაგიჟებით მიყვარს ზღვა!

პავლიოსანი

— „მაროენი!“
— რა ღირს?
— „სამაროენი“ 10 კაპიკი, ქუჩაში 11, ეზოში 12, „პალიეზში“ 13, სართულებზე კი თითო კაპიკს იმატებს.
— ლიფტი თუ მუშაობს?
— მაშინ, კარებთან 15 კაპიკია.
— შენ აგაშენა ღმერთმა, შენ კიდეც პატიოსანი კაცი ყოფილხარ, გადი ერთი თუ ძმა ხარ, ქუჩაში და ახლავე ჩამოვალ, სამი ცალი ნაყინი მინდა!

ნ. მ.

ინგლისი და ამერიკა ათასგვარ პროვოკაციებს აწყობენ კუპაროსის წინააღმდეგ. ისინი აქეზებენ თურქეთს კლქულზე შესაჭრელად



ნატოს ხელი და წაქეზება კუნძულ კვიპროსზე შესაჭრელად.

განმარჯვებითი ბარათი

ისევ დაგიგვიანე სამსახურში და ისევ მივიღე საყვედური, ამჯერად — უკანასკნელი გაფრთხილებით.

და, მიუხედავად ამისა, მაინც არ ვიყავი დამნაშავე. სახლიდან ჩვეულებრივად ადრე გამოვედი, მაგრამ ავტობუსზე დაჯდომა ვერ მოვახერხე. როგორ დავჯდები, როცა ავტობუსი გაჩერებაზე არ ჩერდება? მისთვის არც გაჩერება არსებობს, არც საყვედურები და არც უკანასკნელი გაფრთხილება, ჩაგვიტოლეს ცხვირწინ და მიიშალა.

ბოლოს გამორჩნდა ერთი ღვთისმშობელი მძღოლი და გაგვიჩერა ავტობუსი, გავიბრძოლე და ავედი. ერთი ფეხი როგორც უკან ჩავდგი, მეორის დასადგმელი კი ვერ მომიხატეს და ვდგავარ ასე, ყანჩასავით ფეხაწეული.

ავტობუსი ადგილს მოწყდა. გაიარა რამდენიმე მეტრი და გაჩერდა. რა მოხდა? დავიხარე და ფანჯარაში გავიხედე. ავტობუსისაკენ ერთი კოპწია ქალიშვილი მოგოგმანობს. აი, ჭეშმარიტად რაინდული საქციელი! ბრწყინვალე მაგალითი მანდილოსნის პატივისცემისა! მივიწვი-მოვიწვიე და ქალიშვილს ადგილი გავუთავისუფლე, მაგრამ მას ისეთი მღეფ-გაცი ამოჰყვა, რომ სუნთქვაც კი გაჭირდა.

— ბილეთები შეიძინეთ! — დავიწვიე კონდუქტორმა.
მაშინვე მივეცი ფული. კონდუქტორმა ხურდა დამიბრუნა და ხელზე ოდნავ მომიჭირა ხელი, რაც იმას ნიშნავს, რომ ბილეთს ვერ მივიღე. სხვებს, ვისაც ვერ მივეცე, თვალი ჩაუკრა, ზოგიც ქლესა ღიმილით დააჯილდოვა და მხოლოდ ერთ ჭირვეულ მოხუცს მოუხია ბილეთი.

ავტობუსი ზანტად მიბოძლავს და წარამარა ჩერდება. გვემატება და გვემატება ხალხი სხვები გაჩერებაზედაც კი არ აჩერებენ, ეს კი, ვინც ხელი აუწია, ყველას უჩერებს.

— რაა ჩოჩიალა ურემივით მიგყავს ეს მანქანა — ყვირის ვიღაც. — ცოტა მოუჩქარე, შე ოჯახქორო!

ჯობდა კი არ ყვიერა. მძღოლმა უმაღლე დააყენა მანქანა, კაბინიდან თავი გამოყო და იკითხა:

— ვინაა, რომ ილანძღება?
პასუხი არავინ გასცა. მძღოლი ერთ ხანს თვალებით გვებრუნდა, მერე უწყალოდ გინებას მოჰყვა და მანამდე არ დაშოშმინდა, სანამ კონდუქტორმა ერთი თეფში ხინკალი არ ამოუტანა მანქანაზე და მდებარე სასაუხმოდან.
მეორე „სოთუშპეჩის“ კიოსკთან გავჩერდით. კონდუქტორი გაზეთების რიგში მდგარ ხალხს შეერია, „ლელო“ იყიდა და მძღოლს მიართვა.

მგზავრებს შორის ჩამოვარდნილი ჩუმი დრტვივნა ხმამაღალ პროტესტებად გადაიქცა.

— გავიგოთ ერთი ამათი გვარები და გუჩივლოთ სადაც ადგილია — თქვა ერთმა.

— ყურებზე ხახვს არ დავაჭრათ, — გესლიანად მიუგო კონდუქტორმა.

— სამსახურში გვაგვიანდება, ქალბატონო!

— ჩვენ არ გვაგვიანდება. ჩვენ ჩვენი გრაფიკით ვმუშაობთ.

— ნეტა ვინ ადგენს ამ უგზურ გრაფიკებს?

— საათობით რომ დგახართ ბოლო გაჩერებებზე, არა სჯობია მეტი რეისები გააკეთოთ და მეტი შემოსავალი მისცეთ სახელმწიფოს?

— ეგენი, ძმაო, საკუთარ ჯიბეზე უფრო ზრუნავენ, ვიდრე სახელმწიფო გემის შესრულებასზე.

— იმიტომაც სტენიან ასე მანქანას. ამდგრად წყალში მეტი თევზი მოსდევს ბადეს.

— პარაზიტებო! — ზიზღით გვესროლა კონდუქტორმა.

წელმოწყვეტილით ჩამოვედი ბოლო გაჩერებაზე. მთელი თხუთმეტი წუთი დაგიგვიანე! რა პირით უნდა შევხედო საამქროს უფროსს? დირექტორს?

უცებ კაბინასთან ატუხულ მძღოლს მოვკარი თვალი. მორიგე დისპეტჩერი გადასლო-მია წინ და ტუქსავს. ქაღილით მივუახლოვდი, ყური მივუგდე და გულზე შემომეყარა იცით, რაზე ტუქსავდა? გრაფიკი რად დაარღვიე და დანიშნულ დროზე ადრე რად მოხვედი!

— გაფრთხილებთ, „მკაცრად“ მითხრა დირექტორმა. — თუ კიდე დაგიგვიანეთ, ამხანაგურ სასამართლოს გადაგცემთ.

იმათ ვილა გაასამართლებს?

გ. ზარაშიძე

მართალი ზღვა

— რას შვრები, როგორა ხარ, პარმენ! — ეკითხება ტრამვაიში ერთი მგზავრი მეორეს.

— კარგად, რა მიჭირს, ერთი ეგ არის, მაგარი ნამთვრალევი ვარ. წუხელ პურ-მარილზე ვიყავი, აი, — და გაშლილი ხელის ცერი ნიკაპქვეშ გამოისვა.

— მაგრა ურტყით?

— იცოცხლე.. სუფთა მუხრანული გსვით.

— ოჰ, ოჰ, ოჰ!..

— გელაპარაკები! ღვინო იყო, თავს ჩაიხრჩობდი შიგ! რამდენიმე შინაური ბიჭი ერთად დავსხედით და გიყვარდეს!.. ჭიქები არა უშავს, მოლად გალევულები არ იყო, მაგრამ იმ ღვინოს ხომ იცი, რაც უნდოდა... არც დაგებულვარ; სუფრასთან მოტრიალე ერთ ახალგაზრდა ქალს ვუთხარი, ჩემო დო, თუ შეიძლება,

წყალი მომიტანე-მეთქი, წყალს თა-ვისი გზა მივეცი და წავიდა თხელი ჭიქით რიგგარეშე. მართლა, ჩვენი კაკოც იქ იყო. რამდენსა ჭამს, კაცო! რა ნაჭრებს ითრევდა! მოკლედ, კარგად დავლობთ. მერე, სიმღერა გვინდოდა და სირცხვილიაო. გზაში კი გიყვარდეს, ვიდრიალეთ!..

— რა იყო სირცხვილი, რომ გემღერათ!..

— რა ვიცი, ორმოცზე უხერხუ-ლიაო!..

— ააა, ორმოცზე იყავით?

— ჰო, ჩემს ნათესავს ბაბუა მოუკვდა.

— საწყალი! ახალგაზრდა იყო?

— თოხმოცდარისი.

— რას იზამ, ყველა სიკვდილის შვილები ვართ!

ზ. ზადრანიშვილი

ბარათები ნიანგს!

ზრუნვა დაუფასოს

მიმდინარე წლის იანვარში ნიანგმა თავის მეორე ნომერში გამოაქვეყნა წერილი სათაურით „ვინ უფროსილდება ჩვენს ჯანმრთელობას“. მასში აღნიშნული იყო თბილკვებვაჭრობის № 122,128 და 183 კიოსკების გამყიდველების მ. ბაღათურას, მ. ოვანესოვის და ს. ქადაგოშვილის განსაკუთრებული „ზრუნვა“ მომხმარებელთა ჯანმრთელობაზე.

ეს სამი მუშაკტერი მუშტრების ჯანმრთელობის დაცვის მიზნით, ლუდსა და სხვა სასმელებზე მომხმარებლებს აკლებდნენ რაოდენობაში და ამით თავიანთ ჯიბეს უმატებდნენ ნაქაფს.

მარცხენა ნაპირის თბილკვებვაჭრობის დირექცია გვატყობინებს, რომ ზემოთაღნიშნულ გამყიდველებს მომხმარებლებისადმი გაწეული „ზრუნვა“ დაუფასეს და სათანადოდ „დააჯილდოვეს“.

დაგნაზავე ცნობილია

ნიანგის მე-5 ნომერში დაიბეჭდა წერილი სათაურით „მისამართი უცნობია“. ქუთაისიდან გამოგზავნილი წერილი, რომელსაც კონვერტზე გარკვევით ეწერა მისამართი „თბილისი, ლისის ქუჩა № 30“, კავშირგაბმულობის 42-ე განყოფილების მუშაკებმა უკანვე გაგზავნეს ასეთი წარწერით — „პეკინის ქუჩა № 30-ში აღრესატი არ არის“.

კაცს გამარჯობას ეუბნებოდნენ და ის კი პასუხობდა ქალაქიდან მოვდივარო. სწორედ ასეთი პასუხი გასცეს წერილის გამომგზავნს.

თბილისის ფოსტატის ხელმძღვანელობა ატყობინებს ნიანგს, რომ წერილში მოყვანილი ფაქტი სრულიად დადასტურდა. დამნაშავე ცნობილია და სათანადოდ დაედასჯა.

ტურდა. დამნაშავე ცნობილია და სათანადოდ დაედასჯა.

ტიკების ეგზოტიკის დასასრული

მკითხველებისათვის ცნობილია ნიანგის მე-6 ნომერში დაბეჭდილი ფელეტონი „ტიკების ეგზოტიკა“, რომელიც შეეხებოდა ზაშურელი მოქალაქეების ბარბაქაძის, სხირტლაძისა და შუბითიძის მიერ საკუთარ სახლებში საკუთარი ღვინის სარდაფების მოწყობასა და ვაჭრობას.

საქართველოს კპ ზაშურის საწარმოო სამმართველოს პარტიულმა კომიტეტმა საფუძვლიანად შეისწავლა და კომიტეტის ბიუროს სხდომაზე განიხილა ფელეტონში აღნიშნული კერძო პირების მიერ ღვინით ვაჭრობის საკითხი.

კომიტეტმა აღნიშნა, რომ ჟურნალ „ნიანგში“ გამოქვეყნებულ ფელეტონში „ტიკების ეგზოტიკა“ მოყვანილი ფაქტები მთლიანად დადასტურდა. ამასთან, შემოწმების დროს, გამოვლინებულ იქნენ რუსთაველის ქუჩაზე მცხოვრები სხვა პირებიც (აღაჯანაშვილი, ჩიტიაშვილი, ჭყაიძე), რომლებიც ფარულად ეწეოდნენ ღვინით ვაჭრობას.

პარტიულმა კომიტეტმა დასახა საჭირო ღონისძიებები, რომელთა განხორციელება ტიკების ეგზოტიკისა და ფარულად ღვინით მოვაჭრეთა საქმიანობის დასასრული იქნება.

დაგნაზაველი რანგანის ფირები

ფელეტონს, რომელიც ნიანგმა თავის მე-8 ნომერში დაბეჭდა „ამღერებული რენტგენის ფირები“ ეწოდებოდა. ამჟამად ეს ფირები დამღერებულად ჯონდა ჩაითვალოს, რადგან აღარ არსებობს ბორჯომის საყოფაცხოვრებო მომსახურების სამმართველოს ხმის ჩამწერი კაბინეტი, რომელიც ყოველგვარი აბდაუბდისა და უხამსობის ჩაწერას აწარმოებდა რენტგენის ფირებზე.

ბორჯომის საქალაქო საბჭოს აღმას-

კომმა და საქართველოს სსრ მინისტრთა საბჭოსთან არსებულმა მოსახლეობის საყოფაცხოვრებო მომსახურების მთავარმა სამმართველომ ნიანგს აცნობეს, რომ ბორჯომის საკომუნალურ-ბაზრის შესასვლელთან არსებული ხმის ჩამწერი კაბინეტი დახურულია, ხოლო მისი სულისჩამდგმელი ოთარ ხუციშვილი, თავისი მოვალეობის არაკეთილსინდისიერად შესრულებისათვის, ფირებზე უხამსობისა და მიუღებელი შინაარსის სიმღერების ჩაწერისათვის მოხსნილია სამუშაოდან.

ნიანგს თავისი საკონტროლო პუნქტებიდან მოსდის ცნობები, რომ ჩვენი რესპუბლიკის ზოგიერთ რაიონსა და ქალაქში ჯერ კიდევ მოიპოვებიან ხუციშვილისთან „კულტმუშაკები“, რომლებიც საკუთარი გამორჩენის მიზნით ყოველგვარი აბდაუბდის ჩაწერას აწარმოებენ და შემდეგ სპეკულანტურ ფასებში ჰყიდიან ასეთ ფირებს. ნიანგს სჯერა, რომ დიდხანს ვერც ისინი იბოვინებენ.

ისაკას საზურავეები

ფოთის საქალაქო საბჭოს აღმასკომის მოსახლეობის საყოფაცხოვრებო მომსახურების სამმართველოს საბურავების სარემონტო საწარმოს ეხებოდა ნიანგის მე-9 ნომერში დაბეჭდილი წერილი — „ფოთური საბურავები“. ამ საწარმოს „ინჟინერი“, „ტექნიკოსი“ და მუშა ისაკ მომეს ძე ნასხლეტაშვილი, რომლის სახელსაც ატარებდა საწარმოს მიერ გამოშვებული პროდუქცია, სპეკულატურ ფასებში ყილდა ნახლათურთებ საბურავებს.

საქართველოს კპ ფოთის საქალაქო კომიტეტის ცნობით ისაკ ნასხლეტაშვილს უკვე დაუსწლტა ფეხი ხალტურისა და კომბინაციის გზაზე. გამოძიებით მთლიანად დადასტურდა მასზე წაყენებული ბრალდება, რისთვისაც სახალხო სასამართლომ მას ერთწლიანი „საგზური“ მისცა „დასასვენებელ“ სახლში. ამჟამად აღარ უშვებენ „ისაკას საბურავებს“.

ჭოჭივის ორი მხარე

ნახ. გ. ზირცხალავასი



ხელავეითისათვის.

უფროსისათვის.

სარედაქციო კოლეგია: ნ. დუმბაძე, ხ. კლდიაშვილი, ნ. მაღაზონია, მ. ქარჩავა, თ. პელიძე.

რედაქტორი ნ. ზველიძე.

საქ. კპ. ცენტრალური კომიტეტის გამომცემლობა

თბილისი. სატირისა და იუმორის ჟურნალი „ნიანგი“. Тбилиси. Сатирико-юмористический журнал „Ниянги“. რედაქციის მისამართი: რუსთაველის პრ. № 42. ტელეფონები: რედაქტორის — 9-76-69, ხაერთო განყოფილების — 8-10-49

ხელმოწ. დასაბ. 3/VIII-1964 წ. ქალ. ზომა 70×108 18, 0,5 ნაბ. ფურც. 1,37. ფიზიკურ ფორმათა რაოდენობა 0,5, პირობით ფორმათა რაოდენობა 1, ხელნაწერები ავტორებს არ უბრუნდებათ. საქ. კპ ცკ გამომცემლობის სტამბა № 1. ლენინის ქ. № 14. ზეგვ. № 2005. ჟგ 04520. ტირაჟი 40000

სან-ფრანცისკოში „ძროხის სასახლეში“ ახლაბან ჩატარდა რეს-
პუბლიკური პარტიის ყრილობა, რომლის სიმბოლო სპილოა.

რეაქციული ძალების მხარდაჭერით ყრილობამ პრეზიდენტობის
კანდიდატად პრეზიდენტის მომავალ არჩევნებში დაასახელა „ცოფი-
ანთა“ მეთაური არიზონელი სენატორი ბარი გოლდუოტერი.



ნაზ. ზ. ლომიძისა